



Seachtain na Scoileanna Caitliceacha 2022

Scoileanna Caitliceacha: Saol Iomlán Lántairbhe a Chaitheamh

Scoileanna Caitliceacha: Saol Iomlán Lántairbhe a Chaitheamh

N. SHÓISEARACHA & N. SHINSEARACHA/P1 & P2

23 Eanáir – 30 Eanáir 2022





An Creideamh Críostaí

Briathar Dé

Rúndiamhair Dé

- Gearrann na Críostaithe fíor na croise orthu féin in ainm an Athar, agus an Mhic, agus an Spioraid Naoimh.
- Is é Dia ár gcruthaitheoir grámhar (Gein 1:26–7).
- Is é Dia an mhaith. (Salm 116:1).
- Aithníonn agus gránn Dia muid (Salm 139).
- Is é Dia mo chara.

An Scrioptúr Naofa

- Matha 7:12

Rúndiamhair na hEaglaise/na Ríochta

- Baineann slí mhaireachtála an pharóiste le cúram, roinnt agus guí lena chéile (CCC 2179; CSRE 2a).
- Áit ar leith é an séipéal ina gcuinníonn daoine lena chéile le bheith ag guí.
- Cabhraíonn ár muintir linn a bheith mar chairde Íosa.
- Cabhraíonn an sagart/oide linn a bheith mar chairde Íosa. (LG 10).
-

Liotúirge agus Urnaí

An Mhoráltacht Chríostaí

Urnaí

- Glaonn Dia chun urnaí muid agus tugaimid freagairt air.
- Éistean Dia i gcónaí lenár nguí.
- Is é an séipéal teach Dé, an áit ina gcuinnímid lena chéile mar chlann Dé (CCC 1180; LG 6; 1 Tiomóid 3:15).
- Cruinníonn clann Dé lena chéile i séipéal an pharóiste le ceiliúradh agus urnaí a dhéanamh (CCC 1069–71, 2179).
- Áit naofa é an séipéal agus bailíonn daoine isteach ann le guí a dhéanamh agus le labhairt le Dia CCC 1181).

Dínit an Duine

- Tá grá ag Dia don uile dhuine againn (Iar 31:3; 1 Eoin 4:10–11; CSRE 3a).
- Is duine speisialta ar leith mise, toisc gur chruthaigh Dia mé. (CCC 1004; Gein 1:26–7; Salm 137:14).
- Iarrtar orm Dia agus daoine eile a ghrá. (Matha 22:36–40).
- Is duine speisialta ar leith an uile dhuine, dar le Dia (CCC 225, 356–61, 369, 1604, 1700–01, 1944–46, 2319, 2334; CSRE 3a).





An Luan – Saol Iomlán Lántairbhe a Chaitheamh in Éineacht le Dia

24 Eanáir 2022

Smaoinigh:

Táimid ar fad éagsúil óna chéile. Is daoine speisialta leithleacha sinne. Beirtear sinn agus buanna agus tallanna éagsúla againn. Cad iad na tallanna a bheadh againne? Baineann tallann le cúrsaí spóirt, leis na healaíona, le ceol, le Mata, le scríobh agus le réimse leathan ábhair eile.

Is daoine speisialta leithleacha sinne ar fad sa scoil Chaitliceach, agus iarrtar orainn saol iomlán lántairbhe a chaitheamh. Ciallaíonn sé seo go bhfoghlaímimid i dteannta a chéile, agus go bhfoghlaímimid chomh maith go gcaithfear a bheith lách lena chéile, go bhfuil sé de cheart ag cách go ndéanfaí cúram díobh.

Pléigh:

Gránn Dia muid, agus ba mhaith leis go mbeimis ag maireachtáil ar nós Íosa inár smaointe, i bhfocail agus i ngníomh.

Iarr ar na daltaí machnamh a dhéanamh faoin mbealach ina bhféadfaí maireachtáil ar nós Íosa, agus déileáil i gceart lena chéile inár gcuid smaointe, inár mbriathra, agus i ngníomh.

Nuair a léirimid grá agus cineáltas dá chéile, bímid chomh maith agus is féidir linn a bheith.

Gníomhaíocht:

D'fhéadfaí an t-amhrán 'God's Love is so Wonderful' a chanadh sa seomra ranga. Is bealach éasca é seo le míniú a thabhairt faoin ngrá ollmhór atá ag Dia dúinn, agus faoin mbealach ina mbeirtear gach duine againn le tíolacthaí agus le tallanna éagsúla. Tá físeán a ghabhann leis an amhrán ar fáil ag: <https://www.youtube.com/watch?v=J38Sdc2cSg>.

D'fhéadfadh na páistí pictiúir a tharraingt agus a dhathú a léiríonn tallann mhaith atá acu, nó iad ag glacadh páirte i gcaitheamh aimsire a thaitníonn leo.





An Mháirt–Saol Iomlán Lántairbhe a Chaitheamh in Éineacht lena Chéile

25 Eanáir 2022

Smaoinigh:

Baineann gach duine againn le teaghlach áirithe, agus is aoibhinn linne cairde a bheith againn.

Iarrtar orainn sa scoil Chaitliceach seo a bheith cabhrach agus lách lena chéile. Ba cheart go mothódh an uile dhuine againn go bhfuil fáilte romhainn anseo, go bhfuil áit anseo dúinn, agus go dtabharfar aire cheart anseo dúinn.

Déanaimid grá Dé don uile dhuine againn a cheiliúradh inniu, agus gur chruthaigh sé gach aon duine againn mar phearsa leithleach speisialta.

Pléigh:

Meabhraigh do na daltaí go bhfuil grá ar leith ag Dia don uile dhuine againn. Bronnann Dia tíolacthaí orainn mar dhaoine ar leith, buanna gur féidir linn iad a roinnt leis an saol. Is féidir na buanna agus na tallanna atá againn a úsáid le domhan feabhsaithe níos cineálta a thógáil.

Conas mar is féidir na buanna agus na tallanna atá againn a úsáid le timpeallacht na scoile a fheabhsú? Déan ransú smaointe leis na páistí maidir leis na gníomhartha atá idir lámha, nó an straitéis a d'fhéadfaí a chur i bhfeidhm, a bheith ag súgradh sa chlós le daoine eile mar shampla, páistí eile a mholadh, ceiliúradh a dhéanamh nuair a éiríonn go maith linne nó le daoine eile, labhairt agus feidhmiú go cineálta ar scoil.

Gníomhaíocht:

Spreag na daltaí le pictiúir a tharraingt agus a dhathú a léiríonn na rudaí a dhéanfaidís le scoil ghrámhar shona a bheith acu, díreach mar a theastaíonn ó Dhia.





An Chéadaoin – (Lá na Seantuismitheoirí) Ceiliúradh a Dhéanamh ar an Athaontú



26 Eanáir 2022

Smaoinigh:

Tá iliomad saghsanna éagsúla ghrá ann. Bíonn grá áirithe ag na tuismitheoirí agus ag na seantuismitheoirí dúinn. Bíonn grá againne don spórt nó don chaitheamh aimsire. Bíonn grá againn dár gcuid peataí, do Theidí, don bhábóg, dár gcuid bréagán.

Nuair a bhíonn grá againn do rud éigin ciallaíonn sé go bhfuil meas mór againn air, agus gur rud luachmhar dúinne atá ann.

Déanaimid an grá atá ag na seantuismitheoirí dúinn a cheiliúradh inniu. Is cuid thábhachtach den teaghlach iad na seantuismitheoirí. Is féidir linn cabhair agus comhairle a lorg uathu más gá.

Pléigh:

Iarr ar na daltaí machnamh a dhéanamh ar na rudaí a dtugann siad grá dó. Is féidir plé a dhéanamh i bpéirí. D'fhéadfaí noda a thabhairt, baill teaghlaigh a lua. Is féidir na torthaí a scríobh ar an gclár.



Pléigh an grá atá againn do na tuismitheoirí agus do na seantuismitheoirí, agus an grá atá acusan dúinne. Caithimid am lena chéile. Bímid cineálta lena chéile. Téimid áiteanna i dteannta a chéile. Déanaimid ceiliúradh ar ócáidí ar leith. Déanaimid an pósadh agus an Chéad Chomaoín a cheiliúradh ag an séipéal, agus bímid i láthair ag ócáidí brónacha ar nós na sochraidí chomh maith. Léirimid an grá atá againn dá chéile trí bheith ag tacú lena chéile ar ócáidí mar sin.



Gránn Dia muid, agus leanfaidh a chuid grá go síoraí. Cabhraíonn an urnaí linn a bheith ag labhairt le Dia, agus éistean seisean i gcónaí linne. Pléigh na paidreacha a fhoghlaimíonn na daltaí, Urnaí na Maidine mar shampla.


Gníomhaíocht:


Tarraing agus dathaigh pictiúr de na seantuismitheoirí ar an leathanach dathúcháin, nó déan cur síos orthu.

Mar mhalairt ar a leithéid d'fhéadfadh na páistí cárta poist a dhearadh, a mhaisiú agus a sheoladh chuig na seantuismitheoirí le rá leo go bhfuiltear buíoch den chúram a dhéanann siad de na páistí.

Ina dhiaidh sin d'fhéadfaí urnaí chiúin a dhéanamh. Nuair a bhímid ag urnaí is féidir guí os ard, ach is féidir urnaí a dhéanamh chomh maith trí bheith ag éisteacht go ciúin leis an análú, agus ag smaoiniú ar Dhia nó ar na daoine sin a mbeadh cabhair Dé de dhíth orthu. Is féidir labhairt go ciúin le Dia agus a iarraidh air aire a thabhairt don mhuintir mhuirneach.









An Déardaoin – Saol le hiontas a Chaitheamh



27 Eanáir 2022

Smaoinigh:

Ar tharla riamh go bhfaca tú rud a chuir iontas ort? Má chaithimid saol le hiontas ciallaíonn sé go mbímid ag breathnú ar an domhan mar áit thar a bheith speisialta, mar áit aoibhinn a chuireann iontas orainn.

Spreagtar sa scoil Chaitliceach muid, le breathnú ar an domhan mar áit aoibhinn iontach. Cad iad na rudaí ar an saol a dhéanann sona muid, nó a chuireann iontas orainn?

Pléigh:

Breathnaigh ar an bhfíseán a rinne David Attenborough maidir le hiontas an tsaoil seo: <https://www.youtube.com/watch?v=auSo1MyWf8g>. Pléigh na híomhánna a thaitin leo, agus na fáthanna le gur thaitin siad chomh mór sin leo.


Is í an chruinne cuid den domhan mór a chruthaigh Dia, agus baineann tábhacht leis an áit a bheith glan sláintiúil againn. Déan plé maidir leis na rudaí gur féidir leis an bpobal a dhéanamh leis an áit seo a choimeád mar áit aoibhinn álainn.

Ní ceart a bheith ag caitheamh bruscair, nó fáil réidh le rudaí a d'fhéadfaí athchúrsáil a dhéanamh orthu. Ní ceart uisce nó aibhléis a chur amú. Déan ransú smaointe maidir leis na rudaí a dhéanfadh an rang leis an domhan a choimeád mar áit aoibhinn iontach.

Gníomhaíocht:

Críochnaigh an leathanach dathúcháin mar gheall ar aire a thabhairt don domhan, agus ainmnigh sprioc a bheadh ag an rang a chabhródh leis an mbaile, an scoil, an paróiste a bheith mar áiteanna glan sona.







An Aoine – Saol a Chaitheamh agus Dóchas Againn sa Todhchaí

28 Eanáir 2022



Smaoinigh:

Tagaimid lena chéile sa scoil Chaitliceach gach lá, le hiliomad rudaí éagsúla a fhoghlaim. Foghlaimimid conas aire a thabhairt dúinn féin, do dhaoine eile agus don timpeallacht. Foghlaimimid conas Riall Órga Íosa a leanúint.

Pléigh:

Iarr ar na daltaí rialacha an tseomra ranga, agus rialacha na scoile a lua. Cén tábhacht a bhaineann le rialacha? Léigh Matha 7:12 don rang:

‘Nithe ar bith ab áil libh daoine a dhéanamh daoibhse, déanaigí amhlaidh sin dóibh.’

Cad iad tuairimí na ndaltaí maidir leis an rud a bhí i gceist ag Íosa anseo? Déan ransú smaointe faoin mbealach ina bhféadfaí a leithéid a chur i bhfeidhm sa seomra ranga amach anseo. Scríobh na tuairimí ar an gclár bán.

Gníomhaíocht:

Déan ‘Rialóir Órga’. Bronn píosa cairtchláir de thoise rialóra ar gach páiste. Is féidir leo an Riall Órga a scríobh ar an gcartchlár, nó é a mhaisiú le samplaí den Riall Órga á chur i bhfeidhm acu le daoine eile.

D’fhéadfaí an Riall Órga a chlóbhualadh agus a phriontáil le go bhféadfadh na daltaí é a ghreamú ar an rialóir iad féin. Bheadh an Rialóir Órga le maisiú acu le geala órga, nó trí scragall a chur thart air. Bheadh deis ann na rialóirí a chrochadh ar an mballa, nó i spás beannaithe an ranga, le go meabhrófaí an Riall Órga don rang. Ba mhaith linn déileáil leis an duine eile díreach mar a dhéileálann Íosa linne.

